

CHAPITRE XII.

DE LA MISSION DE SAINCTE CROIX À TADOUSSAC.

LE Pere Buteux succeda l'Esté passé au Pere Dequen dans le soin de cette Mission: le Pere Dequen l'a cultiuée cette année. Voicy les memoires du P. Buteux, qui n'ayant pû estre couchées dans la derniere Relation pour estre venuës trop tard, ne doiuent estre obmises dans celle-cy.

Arriuant à Tadouffac il trouua vn bon nombre de fauuges Chrestiens & Payens. Ceux-là estoient dans l'attente d'vn de nos Peres pour iouir du bien de la saincte Messe & des Sacremens, la [210] plus grand part de ceux-cy desiroient voir des Peres qu'ils n'auoient pas encore veu, & dont ils auoient tant oüy parler. Les Chrestiens & Catechumenes continuoient dans les exercices de pieté, comme à prier Dieu soir & matin, reciter le Chapelet, chanter des Cantiques spirituels, s'affsembler trois fois à la Chapelle les Dimanches & les Festes, & autres semblables fonctions spirituelles, qui les entretiennent en deuotion. Le respect, l'obeïffance, la ferueur & l'affiduité avec laquelle ils s'acquient de ces saints exercices est telle, que les François qui les ont veus, mesme les Heretiques les ont admirez, & ont dit qu'on ne croyoit pas en France ce qu'ils ont veu de leurs yeux. Entre autres vn Capitaine d'vn nauire de la Religion pretenduë estant entré par curiosité dans la Chapelle pour y voir prier les fauuges, fut si surpris les